



Broj: 02-02-1783/19
Datum, 20.02.2019. godine

Općinsko vijeće Lukavac
Stručna služba Općinskog vijeća

PREDMET: Zahtjev za preispitivanje Odluke Općinskog vijeća o imenovanju privremenog Nadzornog odbora JP „RAD“ Lukavac

U skladu sa članom 20. stav 1. Zakona o principima lokalne samouprave u FBiH („Službene novine FBiH“, broj: 49/06 i 51/09) i člana 44. d. Statuta Općine Lukavac („Službeni glasnik općine Lukavac“, broj: 5/08 i 1/14), tražim da Općinsko vijeće Lukavac preispita Odluku o imenovanju privremenog Nadzornog odbora JP „RAD“ Lukavac, koja je donesena na sjednici Općinskog vijeća Lukavac, održanoj dana 18.02.2019. godine, iz sljedećeg razloga:

Općinsko vijeće Lukavac je na sjednici održanoj dana 18.02.2019. godine donijelo Odluku o imenovanju privremenog Nadzornog odbora JP „Rad“ Lukavac, koja nije u skladu sa zakonskim propisima koji regulišu predmetnu oblast.

Naime, Općinsko vijeće Lukavac je donijelo Odluku o usklađivanju statusa Javnog preduzeća za komunalne i zanatske usluge „Rad“ Lukavac sa odredbama Zakona o javnim preduzećima u Federaciji Bosne i Hercegovine i Zakona o privrednim društvima, broj: 01-02-1-837/18 od 12.04.2018. godine (u daljem tekstu: Odluka). Ovom Odlukom su definisani organi upravljanja javnog preduzeća „Rad“ Lukavac, a to su između ostalog Skupština društva, Nadzorni odbor, Uprava društva i Odbor za reviziju.

Članom 16. navedene Odluke, definisano je da ovlaštenja Skupštine Društva u ime osnivača, vrši Općinsko vijeće putem punomoćnika državnog kapitala odnosno putem Skupštine Društva. Skupština Društva se sastoji od tri člana (predsjednika i dva člana), a propisanu proceduru po javnom oglasu za imenovanje Skupštine Društva provodi Komisija za izbor, imenovanja i administrativna pitanja kao radno tijelo vijeća nadležno za imenovanja iz nadležnosti Općinskog vijeća. Odluku o konačnom imenovanju predsjednika i članova Skupštine Društva donosi Općinsko vijeće Lukavac, u ime osnivača, a na prijedlog Komisije za izbor, imenovanja i administrativna pitanja.

Nakon donošenja ove Odluke od strane Općinskog vijeća i njenog objavljivanja u Službenom glasniku Općine Lukavac broj: 6/18, Općinsko vijeće **nikada nije pristupilo imenovanju punomoćnika u Skupštinu društva** kojoj bi kasnije bila i obaveza da, između ostalog donese i Odluku o imenovanju članova Nadzornog odbora. Prema ovoj Odluci Općinsko vijeće može samo da imenuje Skupštinu društva odnosno punomoćnika državnog kapitala, a Skupština društva imenuje Nadzorni odbor. Općinsko vijeće izbjegava da imenuje stalne organe upravljanja, donošenjem Odluka o imenovanju članova privremenog Nadzornog odbora JP „Rad“ Lukavac, što je u suprotnosti sa zakonima, odlukom i uredbom Vlade Tuzlanskog kantona.

načelnik, vlada Tuzlanskog kantona je na sjednici održanoj dana 05.06.2018. godine donijela Uredbu o izmeni i dopuni uredbe o vršenju ovlaštenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala („Službene novine Tuzlanskog kantona“, broj: 11/18) (u daljem tekstu: Uredba) kojom je jasno **definisano da Općinski načelnik imenuje punomoćnika državnog kapitala za Skupštinu privrednog društva sa državnim kapitalom.**

Punomoćnik državnog kapitala bi kao ovlaštena osoba imenovala Nadzorni odbor, a trenutna Odluka Općinskog vijeća kojom je definisano ovo pitanje, nije usklađena sa Uredbom Vlade Tuzlanskog kantona.

Općinski načelnik je u više navrata slao navedenu Uredbu Vlade Tuzlanskog kantona na usklađivanje sa Odlukom Općinskog vijeća, ali Općinsko vijeće nije ni do danas izvršilo usklađivanje, a što su po zakonu bili obavezni učiniti.

Isto tako Odluka o imenovanju privremenog Nadzornog odbora je u suprotnosti sa Zakonom o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08) kojom je jasno definisano da izabrani dužnosnici, nosioci izvršnih funkcija i savjetnici ne mogu biti članovi nadzornog odbora ni članovi skupštine Javnih preduzeća, a JP „Rad“ Lukavac je javno preduzeće, tako da je samo donošenje Odluke o imenovanju privremenog Nadzornog odbora od strane Općinskog vijeća u sukobu interesa.

Na osnovu svega navedenog smatram da donesena Odluka nije zakonita i da Općinsko vijeće Lukavac nije postupalo na osnovu i u okviru uredbe i zakona koja nalažu drugačije postupanje u gore navedenim slučajevima, kao i to da Općinsko vijeće treba u što kraćem roku da svoju Odluku uskladi sa Uredbom Vlade Tuzlanskog kantona.

Tražim da me u skladu sa odredbom člana 20. stav 2. Zakona o principima lokalne samouprave FBiH („Službene novine FBiH“, broj: 49/06 i 51/09) u roku od 30 dana obavijestite o ishodu preispitivanja navedenog rješenja, do kad se te odluke ne smiju izvršiti, u cilju, eventualnog poduzimanja daljnjih radnji iz nadležnosti Općinskog načelnika.



Dostavlja se:

- 1) Naslovu,
- 2) Stručna služba Općinskog načelnika,
- 3) Evidencija,
- 4) Arhiva.